

郡乘附攷

龔璠字子敬宋中奉大夫直寶謨閣司農卿諱準之子自
高郵徙鎮江以宦游久留平江又家焉少聰敏稍長能屬
文其詠史有文若縱存猶九錫孔明雖死亦三分之語人
皆傳誦之與兄共刻意于學日以微辭與義自相叩擊其
文字交視莫公崙俞公德鄰為夫人行而與戴公表元仇
公遠胡公長孺盛公彪為忘年友聲譽籍甚人稱其兄弟
曰楚兩龔比漢之兩龔云憲使東平徐琰聞其名辟寘幕

下尋又舉教官歷平江之和靜學道兩書院山長以累考
合格當赴吏部銓故平章政事大名高公參預外省先生
以書論浙右役法之弊公得書喜曰公有用之才持文書
來我為君取教授先生謝曰執政大臣以進賢退不肖為
職天下士如某者能一一力致哉誠推是心寒峻之幸公
聞其言愈敬異之御史周公馳檄僉庶訪司事鄭公雲翼
交薦先生宜在館閣皆不報用例調寧國路傳學教授秩
滿遷主信之上饒簿再調袁之宜春丞歲餘以疾上休致

之請遂以從仕即江浙儒學副提舉致仕平日所著述目
之曰存悔齋稿

此則出蘇州志朱性夫先生
手書于龔子敬存悔齋稿上

存悔齋詩

詠岳王孫縣尉復栖霞墳田

岳鄂諸孫復墓田
清明寒食起新煙
道傍為我除蒼檜
山下如今哭杜鵑
高廟神靈應悔此
中原父老尚悽然
西湖靡、行人去却望
栖霞轉可憐

盛庶齋先生初見於維揚
程雪樓學士坐中再見練
溪學官詩見遺次韻

龍其璠

子敬著

國家圖書館 NATIONAL CENTRAL LIBRARY, TAIWAN, R.O.C.



塵世重逢驚鬢頰，世人不滿笑談餘。
從渠脯胃亦連騎，願我緯蕭寧鍛珠。
白雪共聞樓上曲，青藜誰炤閣中書。
淮南桂樹相携隱，千首新詩酒百壺。

嘉定州道中寄庶齋

客夢孤雲散，漁翁一帆投。
人行江路晚，花遶槿籬秋。
有酒誰同醉，還家此暫留。
中年髮盡白，豈必為離憂。

為白香岩州判賦茅亭

手結茅亭隱澗阿，香岩行住得婆娑。
乾坤鰲足立四極，風

雨漁翁安一蓑，舊與幽人同此屋。
秋來杜老為誰歌，官途想憶衡門事可柰。
晴簷曝背何

送錢仲昭任永春簿

紫帽雲橫天宇高，掀髯為我拂征袍。
瘴鄉處處檳榔噍，番市年年翡翠毛。
王化本隨滄海濶，縣官常念遠民勞。
極知簿領非能事，試看廉臺舊綠曹。

次張菊存除夕見寄

記夢二首

渺：東西南北路扁舟重載老侵尋
夜涼破夢秋虫語一
笑平生萬里心

睡時作夢覺時醒更欲哦詩惱性靈
緩步行來良久坐秋
槐落花露初零



姑蘇驛

閒官此地有逢迎且向姑蘇臺上行更與黃花期九日能
消幾屐了平生秋田垂老歲功急野聚着寒煙景橫我憶
吳都舊時賦棲烏渺々墮江城

孟潛心先生輓詩

昂々鶴骨老深衣耆舊年來積漸稀京室先傳太任德海
濱今見伯夷歸士林長望風塵表心易獨潛天地機家世
源流不勝遠錫山新壠照秋暉

送漕府王子方經歷

燕北吳南一萬艘順風天外翼鴻毛碧濤渺々雲帆穩紅
腐陳々廩粟高此日朝廷多妙選何人幕府最賢勞共知
餉饋須劉晏且為明時坐省曹

次貢仲堅教授江灣行

滄海蜃化樓臺生瑣碎一々不可名夜如何其夜六更是
中精異方冥行忽然鐘鼓聲轟鏗我恰混沌死未覺濁惡
泥沙埋齷齪珠璣金碧視性命黷債聊堪付官權洞房蛛

網鏤象床重門蘚鋪撼倉琅魂兮歸來知在亡縱令僵立
倚橋柱恐見逝者相為忙百爾君子須遠歆公私慢歲多
後憂官庫訶護竟失守豈以尤物無庸留傳聞頃刻飛煙
塵天奪鬼偷希世珍重雲寶構亦交戒况復區々迷幻身
積蘇累塊驚育人

送石仁卿南康知事

嗟我與君相會少半生識面不知心如今握手俱頭白避
暑携書共竹陰長為人材論弃置肯從幕府坐侵尋重聞

臺省須佳士且寄迓山大雅音

為胡則大賦飛鴻軒

飛鴻踏雪本忘機一舉冥々何處飛何處能無矰繳在此
身肯逐稻梁肥士生獨立萬物表塵世相看千古希為謝
心期嵇叔夜雅琴隨手不妨揮

姚筠菴之越教題雲山圖送之

春煙春雨染溪雲此意正堪持寄君異日筠菴有相憶千
岩秀色却平分

次筠菴題花光梅南卷

歲晚可憐冰雪姿風流隱約未開枝
此花南畔幽人住每記陽春初到時

次鄧善之脩撰

一室貧逾陋南州暑正煩故人相會處
幽草自生萱別夢江湖在浮雲車馬奔
繁揚子宅玄白定忘言

菖蒲石

夢隨涼月過清都綠髮仙人白玉壺
塵世何知用無用石

田如掌種菖蒲

送方韶卿先生

其隱居有存雅堂

處士白雲漁槳歌矢弗諼韶成猶反見
雅廢更能存偶渡秦淮月相逢吳市門
山川又秋晚此意欲誰論

題石民瞻蘭石節覺非添畫蘭

石子畫石積墨如山化為節休蘭生竹間
我懷古人見此粲者艸木臭味日月瀟灑

次張菊存送陳無逸澧陽教

浮雲日東征大江寫秋晴一仕四千里公無離別情如何
我輩人後此百年生茫々古人飢種葵不盈烹校官非要
務願足煩經營聊為三徑資殆悞舉燭明欣然便成往分
甘為窮并腹書不及口久矣君不驚儒者坐常格夫豈爭
功名亦有下祿隱何妨卿自卿臺閣習漢事誰當慕黃瓊
今日南士望我方觀碩榮相與任時運終期白鷗盟

送盛庶齋任衢教

淮南木葉紛然隨大江君挾清秋過遠遊意氣今其始萬

折浙江湏一葦錢唐看盡生色圖亂山勿辨越與吳老子
西湖詩未了釣臺烟雨是前途兩餘懸瀑玉練飛雜花隱
樹芳菲々經行我憶好晴景碧波漾人青嶂圍地皇灘底
駭浪翻篙師歛急爭木猿水亭門外君繫纜此地可着殷
淵源石格仙家對誰奕木奴迎霜斗如實携二三子揮墨
汁書來揚州千里難鄉之賢侯主衣冠日傳西安々問安
題鄭子實所藏燕穆之龍圖山水及牛戩鴈圖
八月望夜題此画蓮花漏冷秋沉々仁人義士不可見萬

疊好山千古心

飛來兩鴈不成字偶得一灘相並眠南國江天秋欲兩西
風木葉夜如年

偕林彥達天平即事

籃輿過西郊故指長松樹幽尋得清深古藤蛟蛇聚聊為
取徑來復作循澗去我々天門山僧坊掩其處稽首忠烈
祠茲遊有神助違世常獨行會心即同趣手輒白雲泉一
洗儒者腐躋攀龍門上滄海欲竟渡狂歎風雨飛血肉那

可住俯觀大千界莽蒼盡回互病夫扶藜還數息安窘步
之子凌絕頂相失不相遇俯廊把臂咲物色方受句跣趺
蕢公房茶甌要深注蹇余每多艱沮如沾兩屨肩僕亦已
痛重負寧少怨前途更回首空翠洒嵐霧持此將安歸濟
勝自非具知津問長沮無泪洒羊祜平生樽酒期中秋月
當戶

晚對桂花開

閒與碧雲暮恍然金粟堆風香不自食月影為誰來

史監蘭谷圖鄭氏画

晚晚幽人佩江南水石間紅塵没馬耳此意政相關
為陶吉甫賦心山

世事關心在山愛山終欲共高間三茅嶺上白雲晚五
柳籬邊飛鳥還與物生來無住着何時到處便躋攀幽人
雅處吾能識隱几元非侶石頑

送汪鶴舟之華亭

僂人之遠遊跨鶴以為舟閑與白雲侶俯觀滄海流翩然

萬里小大抵此生浮後夜華亭唳窅々天九秋

題林彥達臨老米雲山

海嶽山前路不分無窮天地幾氤氲形々色々今猶古長
待幽人卧白雲

題陸氏曉嶂齋

平生王馬曹爽氣在今朝未了山林事人之意也消

賦宋文壁伯牙禪

疊々高山調靈々橋木禪何人以氣聽此事豈心傳悟入

終於寂聲聞各自圓昭文元不鼓陶令久無絃

次周方溪韻 方溪謝疊山外孫也

謝老外諸孫因君觀九扈猶疑古人在轉使薄夫敦臭味
偶萍聚風流如玉溫江東二三策此道久忘言

送周山 趣瑞安州同知

江頭兩意濕賓鴻千里東甌澗最東碧樹漁磯山水窟朱
衣象笏簿書叢吾民又過時更化此地今聞歲屢豐若得
曾遊謝靈運官閑詩好和清風

題鄧覺非雲山圖

雲欲行兮時止山將闔兮日章渺太虛而觀化載神氣以
無方

題王君章山水 古真人

山中古寺秋陰有客攜筇獨尋歸來自可一榻江南落盡
楓林

題劉文偉府判收藏山莊夜歸圖

盤桓長松樹蒼蒼歸薄莫惟應門外山見我蹇驢去洽々

野水聲候子莊上路亦有東隣僧分臥清寒處

題春江別意圖

春生南浦上舟子棹歌聲今古郵亭恨一卮君有行相望
日以遠山色寫離情

遊桃花塢次郭祥卿陸友元二首

三月西城多少花暖風吹雨過晴霞海棠昨日開時路山
鳥清陰到處家長袖挽春攜手去小輿舁醉一肩斜閑人
好在江湖酒只辦年年賞物華

野水自行路松風誰掩關仙家忘日永老圃得春慳夢已
投林下生當出世間玄同二三友大智本閒

春日寄懷書臺

閭門柳如帶中有別離在當時官河船飄搖忍相待二月
東風吹暮寒追送百里問河干破屋殘燈人去住欲語不
語千萬端竹雞鉤輶啼夢闌九山道中雨漫漫已恨金華
六年別當時再鼓荆江楫七年又恨瀟湘濶人生貧窶北
門憂我一思之生白髮白髮生何足驚志士潦倒俱無成

酒澆磊砢澆不平况復不飲難為情長歌短歌無新聲念
我獨兮在吳城今年石湖好清明數樹梨花香雪晴夫君
不來湖上亭昨朝見家信紙尾煩相問是親不可疏既遠
不可近此身江海事多違往々舊交零落盡我亦徘徊看
舞謳誰家歡宴及春遊越王郊臺踏芳艸危絃二七彈箜
篋々嘈雜兒女語繡柱朱絃生眼霧感物逢時重懷古
悠々我行處總是衰遲路待君歸來問君故各天一涯水
東注

兩中簡韓竹閒二首

擁被寒逾峭雨聲遙夜來蛙鳴東塔下柴門猶未開寐莫
秋在念芳菲髮先衰昔我二三友晤語初陽臺
采々一寸芹靡々不食飽王孫從何來芳年亦同老徒憂
侵病顏積霑迷遠抱猶能尊酒期共話山中好

擬遊僊詩

清風振南海桂樹山之幽仙人立於獨浩々逍遙遊長袖
拂塵凡下視萬蟻丘此道真富貴高情謝公侯廣居在何

許浩氣標瓊樓隱映雲母屏
錯落珊瑚鈎煖笙雙紫鸞飛
車駟蒼虬朝余鑿靈淵夕余
擷芳洲執手木羽御世我相
為浮醉翻九霞觴一笑三千秋

次張菊存韻送翁舜咨歸金陵

知音我亦恨鍾期聞士誰曾得
趙咨北海疑乾薦襴墨東
都不采適吳詩三秋菊酒同行樂
一路家山各坐馳江國
相逢送蕭瑟病身無賴倚筇枝

呈高顯卿參政二首

人材並用幾相投法度難持每獨憂
眾味調和羹一鼎此
身屹立柱中流時賢幸際昇平福
世事深煩及遠謀滿眼
江湖又豐歲漢廷行拜富民侯

支離無狀獲升堂舊事驚嗟重永傷
葛帔令人愧劉峻雞
群往日見嵇康車書混一誰東道風
樹淒迷此異方文獻
北來今咫尺敢從公袞借餘光

至元丙子子敬北去時顯卿文為
湖縣尹因及舊事三十五年矣

題蘭蕙畫

滿堂美人芳菲，如此食墨何能肥
古今蘭蕙不一種况

弟夷齊無二薇

虞韶卿以謝疊山請謚立祠北上

萬疊山中足舊聞只今誰使意勤之周人頗義伯夷事晉
代行收譜葛文九死本無榮謚願一香終為老師焚黃金
臺上逢知己袖有江東日暮雲

方子玄為錢德鈞作水村圖

太湖三萬六千頃分得一村如斷槎獨立蒼茫子玄子故
將秋色画詩家

送史德甫任岷山教

為后来者先上今被省符改任

世家餘漫仕名籍幾經年之反馬

後祖生鞭已先提携

離選海峽晚熟書田此地紛迎送玉峯秋朗然

和王錄事次盧疎齋送饒教詩

白髮冷官來學校江上秋蘋催雨擢居然閒窳竟何為升
木之孫那復教官長毋庸責功效大府參軍同好樂我嘗
技癢得渠搔醉眼却將高下較貧無才能食家稍寤寐九
關多虎豹天寒鍾鼓不分明剝啄送詩驚睡覺傳聞漢詔

重儒流雅欲文章存大分較付王維孟浩然明主時呼玉
堂傑

題陸梅南雪灘圖

歲晚空江一灘雪伊人何處渺蕙葭扁舟乘興不可極見
說南涇梅漸花南涇陸魯望所居

題鄧覺非觀蘭畝二首

小橋流水曲闌西悄々寒雅意欲迷九畹滋蘭香一國茶
烟禪榻是幽栖

玉困橋下別君處明月海邊生亂雲獨自歸來坐無寐長
空雲盡月如君

次年大卿贈張菊存

借得才名重此州々人共看菊花秋從來游必有餘地如
此佞山能拔不前輩風流猶可作一官歲月不勝適和詩
若寄陵陽老說與平生為道謀

為周靜境賦玉芝

雙鳳祥光芝蓋輶仙人來聽誦黃庭珮環為我飛零亂霜

露當時下杳冥太華移蓮秋一色三年刻楮地通靈世間
久服輕身藥未用神農本草經

題趙大年小景

風流文采王孫夢景物當時處：同楊柳煙輕燕子芰荷
水煖浴鳧翁飛

惠崇小景

物外道人方晏坐身如枯木倚寒江鴉之鴈之集禪觀何
侶鴛鴦画一雙

雪陰

江雲寫愁霰詩鬢共侵尋瑞應臘前語寒生天外心冥搜
歸一色兀坐了玄陰玩我玉如意微茫太古音

飲滄浪園得紅字

携酒盈樽煩小童翩然丘壑試東風分畦菜本豐年玉二
月桃花一雨紅官事閑忙邊相半世人憂樂起無同古來
喬木今誰在濯足滄浪曲未終

訪別鄭鵬南僉事

借屋青山下移舟百里程我慚徐孺子君是鄭康成夜語
破春夢天寒聞霰聲行歲一尊酒歲晚更同傾

次韻房晦叔自京口來訪

我愧德璋能勒文却因久別慰辛勤家鄉故老來今兩客
陰春陰結暮雲二月酒樽寒悄少年心事白紛紛江山
只在君歸處回首無聲寫離羣

物外軒分韻得飲字

俗氣何由來開筵入蕭條駟馬一日休授以游僊枕是名

物外軒分韻得當審萬物同此生距我不遠甚且出世
間詎夢猶在寢東風吹故衣衆客坐飲衽城南學者家九
畹告春稔伊誰相與娛折蘭有清飲

詩會分韻得萬字

士生遠江湖豈必甚高論天下本無事過計無乃恩君看
右商君擾々終輾轅不如淵明酒悉付錢二萬於焉永今
朝良晤極繼繼旭日敷春陽愛帶滿衆願諸公美采芹我
亦我忘獻既聞召故老世治復何恨膏雨當及時物態競

滋蔓吳儂得豐登飽喫殘年飯

賦蘭分韻得服字

至人委脫遺風雨化清淑繽紛從何來
偃蹇靈蛟服采芳孰同心可近不可俗
舉觴對茲花沅湘浩然綠陶之醉為醒
鹽之衆所獨歲晏深相期種德如種玉

社集分得生字

桃李向來蹊自成閑身半見綠陰生
每隨曉夢換時事猶記春寒聞雨聲
滿坐嘉賓須北海三升美酒侶東平
清和

風日江湖好相伴長歌復短行

賦圓荷分韻得細字

幽人豈無衣遇物思芰製甘脆相本根
帖妥誰點綴池光屐更開雨聲打還細
坐看青春改不歎綠波逝葦之湘纍蓋
抗之洛神瑋泥塗久甲子鉛汞方既濟
世紛脫若遺水中采薜荔

偕杜懋脩魏飛卿昆仲飲尊相寺前康家桃園

醉倒春風酒百壺桃花一色一千株
除是武陵溪上有決

定玄都觀裡無

次鄭僉事送千壽道之慈湖長

樽酒南薰別意涼
慈湖宛在象山陽
人生莫恨書檠短
地福何堪舞袖長
親舍雲飛千里白
客蓬雨漲一川黃
昔賢了了經行處
艸木留君爇舊香

留岳仲遠處欲歸賦

客懷迷積陰
歸夢理前路
篠岫散清漪
秧疇生綠霧
蚓鳴沮洳夜
鳩喚蒼茫曙
我本江海人
安得扁舟去

為鄧覺非賦倦蓬

倦遊已學漁翁漁
舟倦來掩蓬蝦蟆
鬣魚天氣菰莢
蓴菜秋風

清風

清風鳴禽竹解籜
窓下枕書還看書
老去不能知世事
向來端合愛吾廬

王伯儀往洞庭祭龍祠同遊不暇賦四絕日記昔遊

伯儀平江府
推濟南人

幽洞髯龍老不眠
眼明初識醉鄉僊
來叅縹緲峰頭句
付與齊州九點煙

石塘小泊欲三更
商估歸船唱月明
睡覺方知過湖去
曉風蘆葦作灘聲

僊翁釋子雜漁樵
容我遊人問路遙
種樹園林看馴鹿
采菱風日蕩輕橈

湖上西山青一螺
白頭人怕白頭波
春來秋去扁舟在
園客相邀種橘窠

吳儂行

吳儂畏雨如畏虎
不道梅霖是時雨
江湖占水多作田
雨來水漲無堅土
年々相戒築岍圍
州縣施行督田主
紛紛何益耕者勞
藝々還聽踏屨鼓
鄉風種麥屬農家
拾穗泥中鎌不舉
公私上下望西成
兒女插秧深沒股
飢荒却憶四年前
百債如今尚高估
惟有斗米八十錢
雖賤傷農未為苦
此事猶應費將護
因民所利物無迂
諸賢煉石天可補
肯使窮攔怨寒暑

分韻得柳字

小年不畏暑赫日抗塵走中歲得早衰受熱坐木偶炎官
不貸人焦火十日久一涼謝天公物極出授手不知簷間
雨為洗池上柳便蔭赤藤簾來傾碧甯酒此身付陰陽了
了魚在苟相逢取竟醉是名無何有夷猶太平時自稱江
南叟

送黃易岩訪商廉訪

天地清溪鶴不羣百年文獻足知聞外家自是朱元晦今

代豈無揚子雲太極異同須共載連山真偽可難分故人
江右三千里荔子紅時政憶君

舊講於荔枝樓閣中時也

次馬唐卿與高叅政八詩

芒之九土火赫之初日臨迢々江之南斯民有呻吟伊誰
分頌憂志通亦唯深將今被其澤王道由仁心
冗官固當汰一手揮萬蠅羣類雖難除臭腐寧久憑致治
固有要必去世所憎彼物無已害天民本蒸々
斯民如良苗豈堪食根蠹抵冒取其財不盡有不休漢人

附五行周家先九疇正直方世用萬古清風留

唐人作丞相分當食萬羊不知苦辛者但取充飢腸祇今
天下宰聖明登俊良勿言公孫儉布粟意何長

杭糲三百萬連樁發南溟歲計給浩穰來音傾耳聰明公
順天道坐鎮魚龍腥未羨蔣漕使風旂立中庭

菁莪正樂育半水涵至清自公勗多士非時無所爭垂簾
晝閒寐豈無讀書聲口耳四寸間慎思辨宜明

編氓各徃役破產納官中吁嗟不均患薰并遂成風義未

可賅弊上下當齊同譬如山有林衆木成其叢

吳市昔繁盛酒壚噐錚子錢永為額官權久不行幹辦
責府城醉夢相死生損多以予少人心刻嘉名

偕陸季道錢德鈞陸元葉彥思張仲容飲府庠荷

花池上既而又自韓園至鄧覺非家飲觀蓮分得色

字韻

清樽如有期初涼意俱適肯來窈莫濱菡萏亦淨植陶然
轉乘興迳度一圃碧遙指城南家臨水更展席酒狂易為

仙風便香堪食空宇無能塵物我皆醉色誰言鬢已秋始
得痛飲力願將花上露為洗坐中客

夜涼偶題寄子中弟

夜涼細雨枇杷樹相送無眠到枕前何時釀熟山中酒却
數東遊二十年

歲々言歸未得家書不復送歸期看雲憶弟在何許三
百里程長別離

石門小塢五州南二父遺基履見菴租戶田間斲袂馬墓

人雨過掃松蚕

五岳名山終徧遊今人那復晉風流向來婚嫁無難事及
至中州見白頭

吳中粳稻甲天下我種薄田當水涯梅霖本為歲太旱百
畝其如數口家

題王得臣護親喪歸平陽卷

北人莫作江南土陟屺之悲負莫傷辛苦平陽王孝子三
千里外護親喪

題高氏詩卷

景德禦戎渡河時王曰曷不吟一詩逮其後世富有作共
維聖母元祐脚國破家亡出古壁

日夕佳為羲上人賦

朝來常見山不暇為山計日夕山最佳山僧此時睡牛羊
久下來飛鳥泊林際寄語陶淵明是真即非意

題李飛卿所藏鄭子實竹石

歸來乎山中荆薪煮白石周碧恍已化殷墨久不食

次陸梅南蘭桂玉簪三花卷

偃蹇淮山隱離騷楚國清玉簪凝思冷香墨掃秋橫一水
軍持淨三花色界輕人間較多品於此已忘情

題丁生所藏錢舜舉山水

寒溪深無魚扁舟小如履舉世相為浮更用一篙力画彼
山中人憇此松下石

病起試筆十韻

積雨彌空濶翩々多去舟將家值早濕無事得幽憂安石

非高卧文園已勸遊壯心釋如意短髮寄搔頭病約山容
瘦閑窺雁影浮雙飛扉寒自語一榻澹相留香字紆紫脫
画屏瀟灑秋黃花荒古道白月起滄洲不死千年藥平生
百尺樓暫分仙枕夢遙訪羽人立

王寬齋送菊

閉門伏枕重陽過病起誰來伴病夫主家園裡秋光好須
送黃花三兩株

憶與諸賢入醉鄉黃金得意買秋光微紅淡白相輝映遮
莫雨來深院荒
今朝無事要花開盛酒老盆移菊栽若覓庾冰猶在此信
知陶令早歸來

玉茶二首

意外西風開玉茶春山傳味更傳花年々冰雪通紅火縱
不同時攄一家
乳白晴雲瀟嫩茶秋工一色賦奇花鬢絲禪榻看花咲惟
有玉川真當家

白扁豆

小園閒種藥白豈近花籬蔓艸渾相亞醱不自持我秉
方采之秋實正離之幸約籜香在平生見事遲

山藥歌

綠薛紫藤山色子種玉綿延春透髓晴虹歲晚寒不起托
命長鑿山谷裡小隱墻東整藥欄劄土政得才槃之服食
相傳養生訣茂陵劉郎和露掇

牟大卿挽詩

宦業遭時運儒先保壽齡來徵宋文獻竟是蜀沉冥清節
衣冠古吉人山水靈高門久陰德諸子用遺經

潘郎洪子滾參軍得旨江南印儒書歸國次韻張清
夫所贈以贈之

聞君結客滿金臺多是賢王推挽來漢殿早朝分使節揚
州春興動官梅海東貿易雞林改天下文明鳳詔開歸載
圖書廣恩賜新正同赴萬年杯

題黃葵卷

誰念相如渴仙盤露正寒秋風茂陵客不見紫金丹

次仇山村見寄

故舊相望憐索居病身禪榻了無餘徒知聚散等成夢却
要寒溫多寄書四海定交吾靡_々浮雲方駕自魚_々唯君
尊酒論量好出口他人得我徂

送杜義方臺榭

物我相忘杜德機閭門別意立霜威春前春後梅初白蒼
北巷南人漸稀社裏詩章常直州臺端榭史最褒衣昇平

氣象身親見執法光輝拱太微

次張正卿平江伯見贈

車馬匆_々不我過詩書豐_々柰君何鄰牆燭影夜未艾客
路梅花春漸多佳士逢時文苑傳小人有分力田科支頤
送遠陽湖上急雪回風生意多

題鄭子實着色溪山漁樂圖

東風忽來吹綠雨閑雲更學茗花舞山中之人歸未歸溪
上漁舟泛春渚

社集陳行之家不能往分韻得九字

氣如牽絲汗如水小窓長凭烏皮几六合一甌蒸雨山矯
然欠伸望詩壘城南城北三十里出門何之壘余趾平生
投轄是誰家豈不相尋醉鄉裡昨朝疏食常見邀已怕青
鞋在泥滓高堂衆彥集清風脫略邊幅去臧否况我泛來
有成約往又不勇嗟委靡江湖雖寬暑雨深被蒲與荷美
人美安得提携冰雪仙直上虛空馳騶駟

分得曠字追錄

南州候炎蒸端居啟窓牖及茲窘繁陰時雨毋乃久涼朝
掩書坐霽旭間門守雅集登高堂爽朗在俎豆曠懷何以
娛新筠綠於酒生物趨化功我亦非敢後願言玉燭和歲
事望農畝

題小米雲山

分流岡下石門灣日白雲如此山薄暮米墳松樞暗扶
筇曾與一僧還元章以下數世皆葬分流東西東為石門則余先壠所在也故云

錫山道中

憶昨理征棹，郊原微綠初。一水霽寒碧，前林生遠墟。何如帶笈簪政，復在蘧蔭客。裡問啼鴉，江南人欲鉏。

題荆公詩後，上有甓社文房印，乃吾祖遺書散落者。十餘年前，子中弟得之，書來相報，今不能共觀。聊書其後。

憶子書來說買書，印章驚認劫灰餘。松風小牖秋如夢，淡墨踈行泪滿裾。

鍾性春以大拙和尚偈周景遠書見示，往杭性春師

車輪後宛々崎嶇迹，矯身一延佇。金彩鑄西魄，遐思動盈抱。百年會有息，人生信少娛。道心常自得，山中樵者歸。舍南炊煙直，焉知同歲暮。亦有還鄉客。

游長山靈淵廟

勝日携尊遠，前岡綠路深。輕輿容歲暮，衆木耿嵐陰。白水神龍宅，合龍燈古佛心。悠然無與晤，欣會在冲襟。

離京口二首

尋常夢歸處，行來如夢時。一身無舊業，白髮幾新知。容易

平生別久長孺子悲空床獨風雨。世事轉難期。期
十舍官河接夜航。却憐歸去是他鄉。骨肉無多來送別。半
生猶為一窮忙。

雲石詩為慶上人作

世間一切法如雲行空中。太空不待雲因雲而見空。
一
英。出山雲去作豐年。雨歸來化為石點頭了無語。

贈鑒僧海峯

白。雲生海上山飛來。作雨洗塵寰。即是華嚴發心住。一

鄧中齋周號如是
鄧號安明

亭。白蓮花了。本無語。禪者真大拙。破口為君舉。混俗
如是翁。寫之墨飛舞。豈伊安明宗。到此究竟取。携將江東
雲去聽湖上。雨感君來相問欲。起蟄虫俯衆生。我皆病萬
法立何所。欠伸送君行。鍾子琴自撫。

訪袁伯長于尹山歸寄

新桐有清露。有懷相聚稀。塵襟開悄悄。浦帆下依依。宇宙
蒼茫共風流。迤邐微平生。謝安右雅志。不相違。

焦山

還鄉白髮鍊丹臺
世外襟懷渺々開
山與江傾橫海立
人隨秋迥御風來
石公渡口扁舟在
缺甕城頭斷角哀
展轉闌干凭萬古
少年自許拔塵埃

洛社東泊

放舟山水間
舟上載青山
薄莫臨溪坐
青山相對閒

南墅散步

散策忘遠近
看雲孤野夕
履石冰礧喧
綠岡松林黑
紛紛

時龍藏滿人間

金沙道中二首

野翁依約事春農
試手閒門種兩松
門外行人踏殘雪
肩輿小駐見茅峯

呼酒得魚々滿
眾削來甘藕脆
如無行人若過南興郡
白浪休搖長蕩湖

宜興道中

雞犬如同社
山川故逼人
從知生事拙
失喜客途新
野麥

去年雪風蓬千里春方當太平日更齒浙中民

汎湖

五湖何所如來往一舟虛水澈清明際人游開闔初青尊
浮世事白髮順風梳豈必行天下好奇歸著書

賦朱自齋環碧亭

自聞老子得環中色々俱無處々通行到小亭逢水竹偶
然一碧是虛空

送鄧覺非餘干教

大隱留吳市餘干問越田象山皆教恐學者更家傳多士
芝蘭室古人書画船東亭重懷舊詩滿綠陰前

朱自齋画石鄧覺非作蘭朱寄其子叔過呂蒙齋賦

詩索和

滋蘭弥前庭自是山中英替年徵昔夢今日寄幽情千里
何當遙睨晚如石貞母為童子佩藥蔓取同名援毫思楚
南嶷々披秋榮長歌植德詩采々一襟盈植德朱堂名

次林彥粟春興

誰復春閑時不遨花時政坐海棠巢何妨痛飲稱狂士更
擬扶藜過樂郊淡沲風光踈雨歇芳菲蝶夢一鶯梢俊遊
到底頭年少髣髴影衰來陰白茅

東彥達

移床風雨中間卧散帙詩書取次看自咲無能成老大相
投一語逼清寒吾生徃々車輪角世事區々茗椀乾更約
君家好兄弟通群塵尾拂悲歡

送東申甫任江陵教因寄書臺時錄荆之廣西憲幕

世事氣翻々莫令成白顛鄧侯文學掾張子孝廉船夢澤
幾千里停雲又一篇因書極南楚離別感中年

六月

六月涼如水熨齒枇杷移陰碧書几風勻書葉蚕暈紙語
默無窮岸巾起我思古人望逸軌遙山巖々作清時百年
幾何北窓裡宇宙不滿平生喜

至元七年濱州渤海縣劉平成棗陽夜宿沙河虎齒
之去其妻胡氏掣虎足呼七歲兒取刀剗虎出腸胃

夫脫三日乃死

婦人見夫不見虎上天下地孰予侮小兒見母不見刀躍
然赴手無吃哮惻隱乍見即如此微而究之極生死共惟
人之第一心汝其母二帝汝臨

再次韻舜中

狙署有今日太空無積埃閉抱數點兩涼暈一痕苔獨立
江湖迥深然霜雪來因君歌白苧醒醉入徘徊

中山為舜中賦

舜中山中來手持中山記我吟山中詩石礪攻玉粹先正
司馬公常念一中字當時伊川程初不以為是人生所謂
命受之於天地未有字義前此念何所寄日用而不知禮
樂本孝弟聖賢豈異人衆以華高企舜中學既優具見諸
行事立剖是與非敢問何所自於焉道無陂政爾心得位
知能執兩端功在進一簣堂之大丈夫萬物皆我備乃今
為中山轉欲生疏義寂然不動時更不容擬議

晝眠起題

把書歌枕着書倦睡相干睡好書隨地覺來風雨寒

次舜中言別

一日政須官九遷故來悶處共超然露蛩咽響聽幽語岩
桂生香醒醉眠青髻光陰無事飲錦袍意氣大江舡明年
君伴 明錄我亦逢時舉力田

吳君玉哀詞

好客貧無獸傷懷病若何書來唯市藥酒在不成歌萱艸
先秋謝蛩聲咽露多平生狂阮籍揮泪邈山河

和張仲寬紫薇花

焚和孰勝火避暑愛清陰文書靜不忙紫薇相伴吟物態
皮膚盡炎威顏色深下廳日方永初開映煩襟可憐再三
開盛衰驚客心結實難為期采香空自尋虛名侶西山瘵
飢匪斯今一搔望麻姑猶為恐雋禁醉眼紛已纈涼颼吹
衆林

贈洪子深叅軍潘王處購書奉旨乘驛

輿圖瀋國東南境家世遼城尺五天志士何妨曳裾貴賢

王欲與購書傳文風物色先江左使指光華下日邊我亦
平生小溟渤要隨洪範過朝鮮

次張仲實游山圖

地勝清游慣山空一咲譁嵐陰冰入休林影兩天花此水
知魚處南隣有酒家應聯納涼句歸去故園誇

題龔岩翁龍馬圖

學古齋中楚龔攬天飄御風鬃莫論將軍画馬試看老子
猶龍

題小像

留眼何妨去了眉天公肯復要鬚兒不同之處如人面三
代斯民政是誰

送學道龐山長

學舍如舟小先生一飯多雨花容灑掃風竹送絃歌漢上
舊堪隱吳江春始波聖朝方取士更舉孝廉科

梅隱君輓詩

廣德人即
岩弟也

梅僂非素隱兄弟樂鄉閭自住東頭屋長乘下澤車歲寒

喬木古江遠暮雲踈生死知無憾傳家萬卷書

空心亭分韻得旭字常建題處

依微轉樵迳更上虞山麓閒尋昔人詩自悟禪房宿野木
蔭花氣幽潭得山綠日々空心亭山僧愛朝旭

蕙花二絕荅李翠壁

山谷幽蘭春正開芳菲堂下為誰栽底須閑辨招魂注更
看光風轉蕙來

生須百晦紛披綠一榦數花香更足却恨涪翁是楚人詩

到山礬水僂俗

題醉女言六

至人猖狂妄行吾欲名非常名自為燕西王母或者逢左
女生

江魚少賦者思杜少陵青々竹笋迎船出白々江魚
入饌來雖非此江魚然可與吳郡志所載棟子花開
石首來篋中紫被舞三臺為對戲賦一詩

腥風吹石首曉日曝金腮不去網三面竟分羹一盃迎船

竹笋出脱絮揀花開海錯物外貢時來無棄材

龔巖翁以焦墨作亂山甚奇為題六言

無力拔山竟去舊髯飲研欲枯介甫但有執拗呂端不是
糊塗

碧落銀河西北傾披襟散髮沐空明谷陽老子眠不成夜
如何其候鷄鳴廓然高秋浸巖城街鼓逢々人未行車輪
輾地何年平寐者寤時皆六夏

菊山詩為醫者周生作父存菊祖菊圖

南陽水可飲欲壽人所同藥圃能幾菊歲晚滿山中若昔
尚種德培之滋不窮後來龍芳菲草木皆奇功士生及志
物有技孰俾通擬英療人飢此當代天工人困何可鑿人
病尚可攻我歸讀我書老眼明霜叢

題史景福山水為文壁

晴雲翁々未出山好山屹々能參天遠者大者青綿々依
依石間得流泉清樾離々陰我前高堂對此冰雪懸忽如

載之書画船，慘執子手脩之然。

夜坐傷書臺旅觀未歸塋

涼宵坐無寐，螢火耿熠々。徘徊去年秋，懽彼逝者急。九天露氣高，四壁蔓草濕。搔髮不容垢，所念沫如泣。平生相知心，瘴嶺表獨立。白駒繫維久，華屋風雨入。湘漢多方舟，傾身望何及。旅泊更晚晚，山中物皆蟄。

陸季道歸汾湖居寄懷

分湖水滿天，如碧美人扁舟弄。秋色相望知無兩，日程昨

日便為風雨隔。四十里城何偪仄，遼鶴飛不停翼。桂花欲開，尊酒在。世事肯容頭髮黑。君能發藥起我病，時復思君支短策，却尋論心携手處。意行猶到城西陌，伊誰不是無家客。鄉井田園歸路直，莫令懷抱感中年々々一咲良難得。

吳教授挽詩 眉山入

宦轍迴看蜀道賒，閑門靜掩雪溪斜。初來本為斑衣舞老，去何須絳帳遮。秋日鱸魚共蓴菜，舊鄉鳳鳥集桐花。一丘

埋玉人生了詩禮相傳孝行家

題子昂兩小幅畫

西風吹瘦敗葉不辭柯幽草無人識其如歲晚何
竹萌終抱節葉落始歸根慘々秋無際依々石不言二

題高弘道游廬山圖

閑裡題詩不柰閑輸君把酒對廬山平生更有丹青手便
着幻輿巖石間

次陳響林併答王錄事

半生欲歸心識路如老馬童子髮已華往夢肄宵雅家園
故京口阿蒙父城下山雲橫五州先瓏暗松檟宿昔風雨
多捲我茅一把相携記父兄獨恨辭里社猶餘耆舊人既
遠不我舍我生隨竒蹇知我晚逾寡裊溷偶飛花身世劇
飄瓦造物奚以為々是區々者詩從響林來氛塵頓清洒
何時杉屐僣縱觀大江瀉倚歌發出狂態度直草野晤言
誰復同筆意浩難寫但憂叅軍訶不飲面為赭喧々東郊
闢面々西涼假卑濕類長沙偏仄住顛履願從祥麟郊與

辨白魚鮓

題趙子固水仙墨梅二首

神夢可眇茫子固類元章奕々湖海氣明々金玉相一
春風的皪微凝咲補之肥大侶廉宣仲雅疑陳去非二

題翠禽画

一曲寒塘漾夕暉珍禽照影惜毛衣非魚也自知魚樂不
肯花前掠水飛

辛卯三月一日

山田得秋稔農家共欣々里社覓簫鼓吾生愧鉏雲耽書
歲云晏五十更無聞古今轉難通何能筋力勤緬茲寤寐
懷擁爐取微曛荒村鷄鳴遠不知遙夜分可憐獨轅車徑
度長岡雲賣薪者
低回日寒所曠望城中塵天地方
綢緼

題皇平叔所藏輞川圖

輞川圖裡王摩詰勝事後來空自知想見開元全盛日山
林朝市兩逶迤

元貞乙未予賦詩有爛遊吾欲首斜川之語於是延
祐乙卯二十年矣正月三日與猶子永誦淵明詩憶
舊事恍然如為今日設將男昏女嫁少文之願倘遂
乎

一語匆匆二十年爛遊吾欲首斜川今朝開歲倏五十

稚子誦詩驚醉眠元亮歸來殊未晚買臣富貴政堪憐名
山五嶽無窮意浩蕩春風白髮前

題鄜桂岩通判太平歸來詩卷

宮錦翻：五色麟如君端合侍楓宸山中事業陶弘景湖
曲歸來賀季真上界神仙足官府此身城郭舊人民還鄉
我結同庚社只看桃花莫問春

次莊恕齋總管

時平宰輔致民康事合天心可露香要補崇丘極高大清
哥：戎相月賢良車書混一輕金玉螟蠹銷除富黍梁四海
豐年化為酒願餘醑飲壽吾皇

題隱君像

挂冠供白蜜無藥得黃金至竟山中相松風庭院深

劉時中來過綠筠齋

自旦之來吾劇談古今落々鬢髭々筠齋有琴亦不鼓醉
過春風三月三

送醋芹

食芹之美心獨苦不為家居類水東采々盈筐轉無味借
君老面摺春風

班彦功為蕭君璋画紅梨花

節物臨寒食蒲丘冷淡新院落尋香雪京華生軟塵

陳君祥參政挽詩

混一謀猷蚤承平屬任繁躬行儒不及陰德獄無冤艸木
知遺愛人材痛達尊雙珠掌中見宦業紹家門

廣微龍

然无制可雷墨雨入誰袖車轉霆起春蟄網緼之際物化醇九
天下垂海拱立

林彦達山水

看山頭挂背結屋樹隨緣一水盈，隔開雲在，眠

人生

生一不司體弱肉強之食方其恣姦險從余言籍，相為
舞官法未幾遭鬼責是非予奪間一二堪指迹此固可以
戒猶怪壽考跖彼哉幸而免至竟心不惻

天平道中二首

望茶蘼好雪鬢髮暖日和風信去帆寂，餘香花數點晴
波欲動嫩鳧攙

鼓聲依約分魚市不負儂家白酒鮮粳稻新秧及時插芋
衣清楚入梅天

分荷字追錄

酒為新涼飲詩來滿意歌微風萬个竹過雨一陂荷窈窕
初開徑漣漪不起波明年避暑錄何處共婆娑

山水画

竅於山川載神氣開闢而來画何異無隱乎爾觀爾志子
敬為子敬，識

白雲所為張祥卿作

物外方網緼白雲山之巔
走廬下馬墳是家卜牛眠
人子豈下養生人無百年
至今心眼孤皎如香爐烟
人々有此雲回望俱可憐
霜降春雨濡何獨君拳々
終身知孝慕休受當歸全
一舉足出言而親長在前
曰君語世人死生安者天
不見南陽行荒哉原巨先
但畏太行險勿羨懷英賢

蟹詩

寒蒲縛來腸已無
枯骨裏肉々自腴為君喚醒江湖夢
孤

蓬細雨聲相濡
貧家翻不滿眼
沾糟林溜々紅真珠起來
為立西風裡一徑晴寒
菊數株裏當裏

題橫披竹

竹影千尋月落時
小舟移岸半篙遲
參差化作一匹練
我獨寒蓬親見之

是岳仲遠所藏坡翁焦墨枯木竹石

坡仙胸中非酒澆
吐出蒼玉秋寥々
忽然變化不可極
怒龍倒海拔沃焦

蓬萊音琴銘

蓬萊仙人佩霞飛，絙我朱絃明玉徽。
千古萬古大音希，海

次趙可大見贈二首

江浦有捐佩，幽蘭共芳馨。
解后展良晤，習容觀玉聲。
翱翔誰與偕，即之邇修名。
友士常未足，蹇予車蓋傾。
寒宵念鄰居，皎月臨中庭。
信知西坡翁，老眼千載明。
士生有窮達，不辱斯為榮。

羨哉慈烏詩，倚歌鼻酸辛。
矯々寸草微，茫々天地恩。
人々有此樂，回看親舍雲。
何如奉菽水，婉晚巖晨昏。
但云谷口耕，名為京師聞。

讀漢書

張湯多巧詆，公孫但從諛。
甚惡刀筆吏，亦鄙章句儒。
在廷無實伯，惟有汲長孺。
徒為右內史，幾以不悅誅。
武帝欲云云，顧問當何如。
陛下內多欲，柰何效唐虞。
申生言力行，較之得皮膚。
惜不能用黯，為御史大夫丞。
相取克位，不用董

仲舒對策最純正尚憂書自書六經日表章儒效舊濶疏
治道固有本千載一長吁

次于壽道陪曹許二丞山行

西郊凜風快冬晴南州落木先春榮驂騑並轡來幽并天
上丞弼山中行山如削華水環瀛觀山玩水寬作程海鷗
忽來立虛明脩然更覺富貴輕路傍初值析羽旌導從肯
令僧定驚涵空俯瞰吳王涇當時射越飛龍鳴入貢施女
如嬌鶯亡國不在黃池兵于嗟斯人為物靈豈隨血肉同腐

腥故有戒心無放情爾培爾栽覆爾傾姑蘇范公自高平
慶曆執政用六經是能才全德不形一代治化非難成二
公酌泉倚雲屏古今事業相崢嶸棟樑松柏森々青忠烈
寺下誰將迎有客新列慈恩名何假禪悅談無生但坐參
語酒未冷烏得閑日留雙清歸途瞻嵯峨城林薄萬籟皆
琴瑟汀廈懾伏波濤聲英雄廢臺曰呼鷹魚龍末技不敢
呈唯見夕照寒煙橫

香林長老為其師叔祝香求詩

故紙堆中喚師叔香林花葉續傳燈尋思四十年前事只
為茶毗一个僧

人至

有約佳人殊未來地爐孤坐畫寒灰今年物色得春早一
夜梅花如雪開闔世徘徊九節杖凌風縹緲百魯臺江南
若个山中樹幾許陰晴生綠苔

書臺像

荆江亭詩長沙酒浩々東流瀉南斗守德之宅揚子雲疾

惡如風朱伯厚仕雖可久耕欲耦

周氏野泉別墅圖

臯陶舊國羣山裡寂々野泉山谷底試尋山脉問泉源定
有蛟龍拔湫起城郭猶堪萬家汲蕪穢遠漫何代理大雨
不溢旱不枯育德淵然古君子薄領三年報政成習俗能
訓未土美桐鄉愛我愛桐鄉舊日勸農魯到此身閑却作
負來來願與吾民全井里安仁已種環縣花伯道唯飲
吳中水母幼父老歌去思此處枕流方洗耳

五柳圖

吾友石民瞻平生書畫快曾為彭澤令柳下識陶潛

存桃花塢次郭祥卿陸友元韻喜善之赴召

黃堂鄧公直金匱史遷書朝楚太平久文章全盛初北方
多宿老南士有新除此事須公等秋江晚執袂

題了堂所藏郭天錫作亂山烟雨圖

南郭仙人隱几處青山白雲無所住萬壑度盡松風聲更
向了堂恭一句

和靜春贈唐心月韻

白苧蕭然涼意迴清尊不共故人開江湖水滿鴈鴻過天
地秋高風雨來

晚來索々酒初醒岩桂花開香滿庭掩書不讀亦不寐明
滅一燈如露螢

和行游江無數山盡携明秀與俱還平生此復興不淺宛
轉小詩料理間

越來溪頭煙水秋綿々洲渚憶曾遊城下荷花望不極城

上烏棲樂未休

舊雨人來今不來柴門自為晚涼開平生所得二三子
日須來一百迴

不果留茶於無友作

勁節不同俗清陰欲暎人楚江

茶屋

世事有餘味心交多淡成樹依寒舍種詩為蚤春萌穀雨
排簷滴松風泛鼎鳴就中留小徑飽飯得閒行

雨篷二首

黃鸝江南舫隋書山谷魯用風烟春水波輕推橫画卷薄暮理漁
簑俛首安身了浮生涉世多庾冰正在此瀟灑扣舷歌
正在蘆蔭下猶疑弱笠前淒迷不寐客飄泊未歸舡枕藉

無餘地江湖有漏天平生萬里意風趁一帆懸

題蘭花二首

綠簾多蕊莖數花香政足為我語涪翁山磬水僂俗一
孤竹皆殷墨兩龔真楚清試憑蘭與蕙難弟復難兄二

挽蔡山長

仙游分望族相業肇嘉名古道見師法平生無宦情雪林
驚歲晚門巷逼林清萬卷藏書遠何當繼老成

讀元祐黨籍碑

彼狂曰予聖莫辨烏雄雌安知百世公乃在黨籍碑在昔
漢唐末所無恐為之女真或敢侮自是宋德衰空令大梁
人至今歌黍離

與照元晦月夜聞人讀諸葛武侯傳得南字

繫唯諸葛公謀國雅性耽懷寶世不售龍卧南陽庵風雨
未弔危憂國如焚快自比管與樂關張渠得諳平生益州
牧枉顧至于三君臣天作合鯤鯨鉅海涵堂、漢丞相大
星在西南斯文出師表姦賊安足戡典午何人斯巾幗誠

不男天自不祚漢論功可無慚
星隕尚千載耿々在立談
九魚不可作有淚濁如汨

古雨甲寅

玉帛端如委山川已徧宗
蒼生容有罪昊宰恐妨農
南畝猶須問東溟恐不容
疇能補天漏匪石耿吾胸

喜晴

積滯從旁午新晴破鬱陶
乾坤還日月民社脫波濤
不怕漂廬舍何妨用桔槔
從今且粒食勿用想蟠桃

復雨

雨勢仍可畏天心若何未
應妨稼穡只欲喜蛟鼉
野色歸長夜簷聲決大河
無錢買小艇腸斷鞠窮歌

送僧歸仙居

一雨暑氣燔秋聲著梧葉
故山入幽夢晨起事遠涉
故家似八石直巖山如樓
三林與海通我家林邊頭
功名不掇死文字不樂飢
閉門風雨夕且食故山薇

用元微之寄樂天韻奉懷元晦

時余從徑山晦
機在淞西憲獄

十宵九夢遣分身，世事翻騰可具陳。
天意何時孤悔禍，吾徒到處不如人。
兩聲歷歷侵殘夜，風物淒淒入小春。
縮地無方，青不羽，倚樓東望獨傷神。
獨傷舊本作欲無

題宋楊大年小景二首

漠漠雲連遠水，荻灣春鉏作隼。
誤墮絳城業影，王孫本願秋江一。

蒲柳蕭條，秋晚錯，漠江南遠。
村磧月照人無寐，翻江要浦，泪痕二。

西湖晚意

天賦幽人事，幽西湖佳處。
七年留荷香，欲老菱如臂得。
意斜陽一小舟。

張清夫心遠堂

張君曠士，惺逸翻辭籠樊。
天游絕有待，旁魄造化原春風。
蘇汭景，驛月湖上村歸，栖度華構。
欽翊寐不諠，床敷學僧跏趺。
夾手自翻神交，匡山遠遺烈子。
載存華標，見芳扁雅意識素，啟何時載茗盃。
妙理遲細論。



國家圖書館, NATIONAL CENTRAL LIBRARY, TAIWAN, R.O.C.

附朱性夫先生補抄龔子敬遺詩

送李孔言上舍北遊

士也今安用何為志必行將無因技術亦可遂功名漫把
曆還稱國子生悠然燕市酒此日看昇平

次韻貢仲章虎丘韻

遠思喜舊交相逢乘興遊輕帆不用楫出郭望林丘旭日
時來暑春暇何清脩涉世儒生腐尋芳僧寺幽紅塵避人
遠綠入陰山稠奕々久翰英于々江海陬凭高劇弔古濯

纓便臨流蒸鬱變雷風倚徙客遲留取深盡酒尊沾濕壤
詩篝空濛駕歸舸起滅波中漚

郭祥卿同遊虎丘

弱植有緩步同遊無襍賓清陰山寺古紅樹石楠春丘瓏
埋吳國園林閱晉人不應繫舟處猶是去年津

吳中寒食

寒食清明賣酒家酒瓶亂插紅白花江南蠶子非一種日
煖蜂房報午衙八十漁翁罾半破往來醉客路三义村中

女伴無忙事疎雨小塘收漾紗

中山夜游圖 中山即鍾南山進士鍾馗世傳有夜游圖

歲云莫矣索鬼神九首山人生怒嗔獵取羣袂如獵犬驅
儼歸去作新春

文泉

計水之原其初果何遠泓澄未泮、取辟人畜德、
唯其深行道亦在茲以彼周流意於焉文命之噫古所謂
文即禮樂法制從世將柰何而非此之謂華身習口語逢

時貴詞章油、青山雲不到白玉堂文者理而已循理屬
君子謂予言不信法看逝川水 法當作請

題龔英聖予画馬

人間能有幾天馬試問來從西極者二十萬泉漫貳涉攻
破大宛僅得之執驅校尉奏妙選帝閑自此牧權奇未央
宮門銅作式矯、如此龍八尺絆者自絆逸者逸不是老
龔誰貌得 泰定丁卯夏十
四日龔璠題 泉涉二字當作衆師

歲殘

歲殘春雨初晨興人意舒萱草侵階綠慈鴉巢樹踈耕耬
餘幾墮門巷愛吾廬休咲玄晏病時翻架上書

馬虛中柳城春色圖

城中塵頭十丈高欲画春風、怒號佩霞仙人騎鶴背却
度太虛觀樂郊當時丹青争出色借與天公動搖碧上流
老子餘舊踪桓大將軍亦曾植樹猶如此我何堪莫學江
南繫船客雉堞平成天下平有情有思弄春晴隔葉睨睨

黃鸝聲

海底眼歌為陸茂林作

海底寧有眼幽暗魚龍困海底若無眼何為騰光燭天
定有明珠在其下能令世間長不夜試看露出珊瑚枝神
物効靈紛變化吳門別駕理伯雍卜肆從誰問吉凶陸姓
森名特竒驗識高見遠術非淺以此喻之名遂顯揚火以
致墨家宰摠列職其法今不傳太史載龜策足膾彷彿意
頗遺南士按書猶或知九江納錫不聞矣樓句成欺皆弃
之流俗沉淪海波底藉子一言與提耳我作好歌以贈子

會訪茂林談物理

谷陽叟

玄天妙景歌

光陰過去留駒隙海宇微茫起蜃樓夢境清都真帝所仙
人一室有天游珠如黍米懸何許掌上懸脂爛不收飛佩
超然凌倒境擬將變化問洪丘

送宋梅隱

黃鶴山中醉幾回山中良是夢徘徊流水青蘋杏華影晴
江綠漲蒲萄醅灑々西湖汎春去奕々好風吹子來門外

酒船撾鼓過何如同上姑蘓臺

雪樵

伊川門下已齊腰清苦誰如雪裡樵浩蕩山林行靡々
但迷策笠影飄々枯梢一夜號寒墮野菜尋春待凍消炙手
故應猶可憇高人塵甑儘無聊

性夫先生于甲辰
六月抄都氏本

王園玉蘂開後作

南園玉蘂玉敷腴十日不來花已無此地綠陰渾欲滿予
生清興不能孤香隨小迳尋前夢老待閒門種一株過眼

年華猶把玩人間留在輞川圖

次趙書臺荊州見寄

江水滔々不繫舟一官已作五年留詩送別後多清氣夢
擬歸來到白頭骨肉幾人如此在林泉何處脫然休舉橋
傭在猶堪憶一飽平生本不謀

次張仲實送項桂山韻

昔時聞隱處桂樹滿巖幽涼雨飄歸夢江湖萬里秋我亦
備然客相逢戀一遊鱸魚政堪鱠無酒為君謀

題趙子固畫歲寒三友圖次韻

借問僧窓梅幾梢從來只合穀芽焦
孤芳未辦切磋玉細萼深藏繁衍椒
宣仲韻高春破點補之豪邁氣抽條
散花室裡何人到知見香中使意消
橫軸更憐松竹映卧遊殊覺水天搖
何郎東閣無多樹逋叟西湖舊六橋
白石歌殘徒自咲羹齋去後更誰聊
蜂鬚作藥容微吐鏤線成圈豈強描
昨夜前村吟悄々長年一笛怨蕭々
底須叅透閑菴法開落不知昏復朝

此四首性父先生于戊申九月抄黃應龍家本乃新得王氏之書

誦泐石从旧

此詩匠係永嘉朱先生抄本楨從先生游故假以錄寔至正五祀歲乙酉也時楨年十五今倏過五載恍如舊夢歲月難留寸陰其可不惜深愧志不勝氣不能勇力臣學撫卷輒成浩歎謹書以深警毋待他日徒悔焉至正九年歲己丑五月廿七日開封俞楨恐悚拜書

建
馮字

余家藏元人集未遑百家意欲擇勝授梓閩
中徐興公許以秘本五十種見寄奈與雁書
然怒如也適馬人伯出龔子敬存悔空稿示
余得未曾有真入年第一快事中有殘缺二
處未有朱性夫補遺一十七首問所从来迺
荻溪王凱度家藏本卷帙如新而凱度已為
玉樓作記人矣掩卷相對泫然久之時

崇禎十三年閏正月十三日毛晉識

